

20  
21

# ISLA ((•)) ONLINE

Diaranson 27 October 2021

Email: [IslaOnline@gobierno.aw](mailto:IslaOnline@gobierno.aw) Tel: 528-4952

Aruba mester di  
nos TUR!

Gabinete Wever - Croes II







# COOPERACION STRATEGICO ENTRE PAISNAN TA E CLAVE PA EXITO DEN E TRANSICION PA UN FUTURO MAS RESILIENTE

Prome Minister Evelyn Wever-Croes tabata presente na e tercer conferencia di “German-Caribbean Energy Conference”. Den e conferencia virtual aki a trata metanan di desaroyo sostenibel den Caribe y tambe con paisnan chikito por haci miho uzo di conocimiento y recursonan di Paisnan mas grandi.

Durante di e conferencia Premier Wever-Croes a splica cu pa Gobierno di Aruba yega e metanan di energia y clima, a tuma e iniciativa pa trece stakeholders hunto y basa riba vision comun, esaki a resulta den un maneho titula: “National Energy Policy”. E vision tras di e maneho ta pa percura pa ciudadanonan Arubano, companianan y bishitantenan tin acceso na energia limpi, confiabel y pagabel.

Segun Prome Minister, den region Caribense mas y mas paisnan ta bayendo den direccion di menos consumo di “carbon energy”. Como isla chikito den desaroyo / “Small Island Development States” (SIDS), pa logra yega e metanan aki mas lihe, e ta importante pa considera e rikesa y conocimiento cu nacionnan mas grandi tin pa ofrece. Cooperacion strategico ta e clave pa ta exitoso den e transicion na un futuro mas resiliente. Pa e motibo ey, Prome Minister a expresa: “mi ta sumamente contento cu e compromiso di Alemania ta parti di innovacion den Caribe”.

Durante di e conferencia esnan presente a siña di solucionnan di Alemania cu ta dirigi na aumenta sostenibilidad den Caribe. Den e caso di Aruba especificamente, sostenibilidad ta significa cu pa inverti y atrae inversionnan den sector di energia no kiermen solamente diversificacion di economia y crecimiento economico. Sino, cu e ta esencial pa realiza un economia inclusivo y resiliente a termino largo cu ta resisti impacto di factornan externo.



“Ningun pais ta immune pa factornan externo manera cambio di clima y pandemia. Pero cu e maneho nacional di energia, reformanan structural y ambicion pa transformacion digital, ta forma e base pa crea oportunidadnan economico nobo. E oportunidadnan aki a termino largo tin e meta pa diversifica e economia y mitiga e riesgonan di cambio di clima”, Prome Minister a enfatisa.

Prome Minister a termina bisando: “E momento pa tuma accion ta awo y nos ta kere cu door di traha den bon cooperacion, lo yuda e region acelera e metanan di energia renobabel”.



GOBIERNO DI ARUBA

Dia 26 di october 2021,  
Parlamento unanimamente  
a aproba e cambio di ley pa:

- Hisa edad di huma di 18 pa 21 aña.
- Prohibi humamento den luganan publico.
- Prohibi humamento dilanti menornan di edad.

**ENTRANTE  
1 JANUARI 2022**



Prevencion ta e yabi  
pa un comunidad mas saludable.  
Danki na colega Dangui Oduber y su ekipo  
y danki na Parlamento di Aruba  
pa e sosten unanime.

Prome Minister  
*Evelyn Wever-Croes*

**Aruba mester di nos tur!**





## Ceremonia Special relaciona cu Luna di Conscientisacion Cancer na Pecho

**Minister Xiomara Maduro:**

# MAS TEMPRAN NOS SA, MAS TEMPRAN NOS POR WORDO YUDA

Luna di october ta e luna cu nos tin e oportunidad pa para keto y focus, conscientisa riba e malesa di cancer na pecho. Relaciona cu esaki diabierna ultimo Gobierno di Aruba hunto cu Mary Joan Foundation a organisa un ceremonia special dilanti bestuurskantoor caminda a ilumina e edificio cu color ros.

Minister di Finansa y Cultura Sra. Xiomara Maduro a hiba palabra den nomber di Gobierno di Aruba caminda e mandatario a enfoca riba e conscientisacion necesario cu nos mester tin na nos pais pa locual ta trata cancer na pecho. E ta algo cu ta toca hende muhenan pero tambe hende hombernan. Minister Maduro a sigui trece dilanti cu ta importante pa nos conoce nos mes y pa nos por sa di tempran si tin algo, pasobra mas tempran nos sa, mas tempran nos por wordo yuda.

E accion di bisti algo ros, no ta solamente pa conscientisa, pero tambe pa apoya tur esnan cu na e momento aki ta bataya contra e malesa aki. Nos kier brinda speranza pa esnan cu e malesa por sigui dilanti pa recupera nan salud. Ohala un dia por tin un cura no solamente pa cancer na pecho pero pa tur malesa di cancer cu ta kita nos salud for di nos tabata palabranan di Minister Xiomara Maduro.

E mandatario a gradici Mary Joan Foundation pa e trabao cu nan ta haci pa nos ta mas consciente pa locual e malesa ta trece cune y pa detecte. Hopi biaha hende tin berguensa paso ta un parti intimo di bo curpa y tin miedo pa bay dokter pa expone nan mes. E no mester ta un berguensa, e ta algo cu por yuda si e wordo detecta na ora. E ta exige si e corahe di cada un di nos mes y ora cu nos ta sinti algo, pa acudi pa ayudo tambe.





## Continuacion MAS TEMPRAN NOS SA, MAS TEMPRAN NOS POR WORDO YUDA....

Pa locual ta e parti pa mamografia, hopi biaha ta pensa cu e ta haci dolor y cu mester kita paña dilanti otro hende, den esaki tampoco no mester tin berguensa. Banda di e hecho cu bo mester samina bo mes tur luna, tambe ta importante cu ora cu bo wordo yama pa haci mamografia, bo bay haci esaki, traha riba bo mammories cu ta pa nos salud segun Minister Maduro.

Por ultimo a gradici tambe otro instancianan manera Stichting BOB, Koningin Wilhelmina Fonds y Edmund Harms Foundation pa nan trabaonan. Ademas danki pa tur e trahadornan den salubridad publico cu ta traha y forma parti di e proceso pa haya un cura y prevencion. Palabra di gratitud na tur esnan cu ta haci donacion, na Insam pa a brand un ambulance ros completo, contribuyendo na e conscientisacion y muestra di solidaridad pa tur esnan cu ta lucha contra e malesa aki.

Den nomber di Gabinete Wever-Croes II, Minister Xiomara Maduro, Minister Ursell Arends y Parlamentario Alvin Molina hunto cu miembronan di directiva di Mary Joan Foundation a ilumina bestuurskantoor cu e color ros, pa asina manda e mensahe na Aruba en general pa traha riba e prevencion necesario. Esaki ta un señal tambe pa tur esnan cu ta bataya contra e cancer aki, pa nan sa cu nan no ta nan so, un abraso pa surpasa e situacion aki y cu nos ta corda riba nan den mente y curason, cu e palabranan di solidarismo y apoyo aki Minister Xiomara Maduro a termina su discurso.

Despues di a ilumina e edificio di gobierno cu luznan ros, Minister Maduro, Minister Arends y Parlamentario Molina a ricibi un bunita pin di Mary Joan Foundation como muestra di reconocimiento pa e sosten na e campaña local y mundial di conscientisacion di cancer na pecho.





# OCTOBER 2021 LUNA DI

CONSCIENTISACION DI  
**CANCER NA PECHO**



Minister di Finansa y Cultura

Tuma tempo y traha riba  
bo **mammories.**

*Xiomara Maduro*  
Minister di Finansa y Cultura



# EXPOSICION DI ARTE 'EMOTIONS' DI LAUREEN EMAN

Durante e luna di October y November 2021, Laureen Eman, Pintor, Artista Plastico lo exhibi su di 8 solo exposicion di arte na UNOCA, Stadionweg 21.

E exposicion ta consisti di 90 obra, di estilo y tamaño varia pa complace cu tur amante di arte.

Pa e exposicion aki, ademas di acrilico, Laureen a traha tambe cu alcohol ink y resina.

E inspiracion pa e exposicion aki ta tur e emocionnan cu e artista tawata biba durante e prome lunanan di e pandemia. Por mira esaki tambe den e obranan, den e uzo di color y expresion y p'esey tambe ta hiba e nomber di 'Emotions'.

E exposicion lo habri riba Dialuna, October 25, 2021 cu un 'soft opening' pa e esnan cu ta desea di wak e obranan den priva, y Diaranzon, 27 di October, 2021 lo tin e apertura general di e expo, cu lo sigui te cu dia 20 di November, 2021.

E horario lo ta di 9or am pa 7or pm di Dialuna pa Diabierna, y Laureen lo ta presente tur dia pa topa cu bishitantenan y pa disfruta di un koffie of un juice meymey di su cuadranan.

Durante oranan di mainta di 9am y 12am Laureen a organisa oportunidad pa school y nos grandinan bishita y nan lo por disfruta di un koffie, juice, y snack, patronisa pa Aruba Bank y Martijn Trading.

E expo lo ta habri algun dia den ora di anochi, y por check cu Laureen pa e horario via cel. #: 737-0000.

Laureen ta invita un y tur pa pasa na UNOCA pa wak e obranan, y ta gradici UNOCA pa tur cooperacion, kende tambe a sponsor su catalog.

Tambe e ta extende su gradicimento na Aruba Bank, Martijn Trading, Aruba Trading Company y Departamento di Cultura Aruba pa tur cooperacion ricibi.







## MINISTER DANGUI ODUBER A REUNI CU ASOCACION DI FYSIOTHERAPISTANAN (AVF)

Dialuna ultimo Minister di Salud Público Sr. Danguí Oduber a reuni cu cu e Asocacion di Fysiotherapistanan (AVF) na bestuurskantoor. E tabata un bon reunion caminda e directiva a haya e oportunidad pa presenta nan puntonan di preocupacion pa cu cuido medico di Aruba na e mandatrio. Fysiotherapistanan tin un rol hopi importante den henter e plan nacional di prevencion di malesanan di NCD's.

Motibo di esaki ta cu den cuadro di e clinica di prevencion e fysiotherapistanan lo tin e tarea importante pa duna guia den e estilo di bida cu un pashent mester hiba. Minister Danguí Oduber a mustranan riba e vision di Ministerio di Salud Público cu ta basa riba e parti di prevencion. Di otro banda e mandatario a scucha algun punto di preocupacion di AVF. AVF ta desea di por traha mas di serca cu e dokternan di cas y tambe cu e specialistanan cu ta e segundo liña di cuido, specialmente ora ta trata di referi casonan agudo (acuut gevallen, casonan serio). Durante e reunion aki minister Oduber a splica cu NO lo saca physiotherapie for di e pakete di azv cual tawata un di e preocupacionan di e asociacion.

Minister Oduber a haci palabracion cu AVF, cu lo bay involucranan den e plataforma cu ta dirigi e plan nacional di prevencion di NCD's. Di e manera aki nan por traha mucho mas di serca y di e manera aki acelera e parti cu ta referi e pashentnan den e cadena di cuido, drechando asina e proceso pa evita cu lo por tin tratamiento cronico.

Otro punto cu AVF a trece dilanti na e mandatario ta e hecho cu e cantidad di pashentnan cu ta haci uzo di fysiotherapia a aumenta. Esaki ta debi na e edad di e poblacion cu a redobla, e accidentenan cu ta tuma lugar y tambe e pashentnan cu a haya COVID y mester di fysiotherapia.

Minister Danguí Oduber a keda masha satisfecho con e reunion a bay caminda AVF a mustra boluntad di nan banda pa traha na mehoracion di e cuido akin a Aruba.





# PRESENTACION DI MINISTER DANGUI ODUBER

## CONFERENCIA DI PRENSA 25 OCT 2021:

### AUA - TRAFFIC DISTRIBUTION

92% of the traffic comes from three regions of the country



92% of the traffic originates in the East, South and Midwest states



**Demand (PDEWs)**  
Source: Adjusted MIDT Data YE 2019

### REGIONS

East	Midwest	West Coast	Mountain	South	Southwest
Connecticut	Illinois	California	Colorado	Alabama	Arizona
Delaware	Indiana	Oregon	Idaho	Arkansas	New Mexico
District of Columbia	Iowa	Washington	Montana	Florida	Oklahoma
Maryland	Kansas		Nevada	Georgia	Texas
Massachusetts	Michigan		Utah	Kentucky	
New Hampshire	Minnesota		Wyoming	Louisiana	
New Jersey	Missouri			Mississippi	
New York	Nebraska			North Carolina	
Pennsylvania	North Dakota			South Carolina	
Rhode Island	Ohio			Tennessee	
Maine	South Dakota				
Vermont	Wisconsin				
Virginia	West Virginia				





## DEN CUADRO DI ASUNTONAN SOCIAL A REUNI CU FUNDACION CAS PA COMUNIDAD ARUBANO (FCCA)



Diamars atardi a reuni cu e hunta di FCCA, caminda henter gerencia tawata presente. E intencion di e reunion aki tawata pa wak con Ministerio di Husticia y Asuntonan Social por coopera y colabora cu FCCA. Manera ta conoci FCCA tin un rol di suma importancia den diferente barionan, caminda nan tin un colaboracion existente cu entre otro Deprtamentonan di Asuntonan Social pero tambe cu Cuerpo Policial di Aruba.

Segun Minister Tjon, esaki ta un indicacion di e colaboracion existente y a bisa tambe cu FCCA ta un socio logico pa su Ministerio den cuadro di su maneho caminda nan kier inverti den e diferente barionan. E ta importante pa observa con esaki a sosode den pasado, pa asina wak tambe kico pora siña di esey. A base di e informacion aki por deduci cu esaki ta e momento oportuno pa firma un convenio nobo cu pais Aruba. Den cuadro di esaki, lo percursa pa haci un estudio di e “best practices” pa esakinan por forma parti di e convenio nobo y asina por tin un miho indicacion di con Ministerio di Husticia y Asuntonan Social lo percursa pa e barionan ta mas sigur hunto cu entre otro FCCA como socio strategico.

E Mandatario a sigui splica cu entre e palabracionnan cu a wordo haci cu FCCA, un di nan ta cu Ministerio lo manda nan un documento cu e concepto di con su Ministerio lo kier wak e cooperacion entre nan, pero tambe lo duna un imagen general di con ta wak e inversionnan cu mester tuma lugar den e diferente barionan. Akinan ta papia di e infraestructura general cu ta toca e parti di recreacion, e parti di percursa cu e barionan ta limpi, percursa cu e trafico ta sigur pa muchanan por hunga riba caya pero tambe ta wak pa stimula e centro di barionan pa bira mas activo. Hunto cu FCCA lo percursa pa bin cu diferente programanan pa nos hobennan por haci den oranan di atardi y anochi. FCCA ta conta cu diferente di e vehiculonan aki caba, pues nan tin e manera pa yega na tur e ciudadanonan di e diferente barionan, pa asina percursa cu tin programanan cu tin nan interes tambe.

Minister Tjon a termina bisando cu aki dos siman lo bolbe sinta na mesa FCCA pero tambe cu demas Ministernan cu tambe lo kier forma parti di e programa aki, manera entre otro Minister di Enseñansa y Deporte Sr. Endy Croes como tambe Minister di Labor, Integracion y Energia Sr. Glenbert Croes.



# MINISTERIO DI HUSTICIA Y ASUNTONAN SOCIAL A REUNI CU OFICINA DI COORDINACION DI SUBSIDIO DI GOBIERNO (CBOS)



Dialuna atardi e beleidsmedewerkers, Huristanan y ekipo di finansas di Ministerio di Husticia y Asuntonan Social a reuni cu Oficina di Coordinacion di Subsidio di Gobierno (CBOS) y e beleidsdirecties riba tereno di Husticia y Asuntonan Social, pa asina haya un presentacion di tur e proceduranan di solicitud di subsidio, y e control di esaki y tur e trabounan pendiente pa cu e deadline nan cu tin nos dilanti.

Oficina di Coordinacion di Subsidio di Gobierno (CBOS) tin como meta pa realisa e sistema di subsidio, cual por cierto ta subsidio dirigi riba resultado (output) y pa percura pa su continuidad. Ademá, CBOS ta apoya e buskeda y esfuerso pa haya otro fuentenan di financiamiento

- CBOS ta aspira pa realisa su obhetivo door di ehecuta entre otro e siguiente obhetivonan principal.
- Duna conseho y sostene ministerionan, departamentonan di maneho y institutonan di e maneho di output general;
- Desaroyo, inicia, fiha, controla y evalua di financiamiento basa riba output
- Pepara e decretonan nacional correspondiente pa otorga subsidio







## Minister Endy Croes: PROYECTO DI HOFI NA SCOLNAN BASICO TA DISEÑA PA SIÑA NOS MUCHANAN CON PA PLANTA

Diarason atardi den un reunion ameno Minister di Enseñansa y Deporte Endy Croes a reuni sra. Ingela Lacle pa un proyecto di hofi na scol. E meta di e proyecto ta pa educa y conscientisa nos muchanan di scol nan basico di e importancia di planta. Sra. Ingela a comparti cu e tin 720 diferente sorto di simia.

E muchanan ta planta un simia te produci fruta y berdura. 'E ta un proyecto bunita, y por conta cu e sosten di Ministerio di Enseñansa.

Un mucha cu sa sembra, den futuro e sa con pa cosecha.





# MINISTER DI ENSEÑANSA Y DEPORTE ENDY CROES A ELABORA RIBA VARIOS INKIETUDNAN CU A WORDO SOLUCIONA

**Den 27 dia di trabou Minister Endy Croes a logra resolve varios puntonan importante den Enseñansa y Deporte**



Durante conferencia di prensa diaranson ulltimo, Minister Endy Croes encarga cu Enseñansa y Deporte a elabora cu den 27 dia di trabou, 10 dia den fin di siman un total di 37 dia e la traha tur dia sin un dia liber pa busca solucion y resolve e inkietudnan y problematicanan

Instructornan di landamento: Un di e problemanan cu a wordo resolvi ta e instructornan di landamento cu dia 14 di october a inicia cu les di landamento bek na scolnan basico y si tur cos ta bon dia 24 di october ultimo nan a cobra nan salario a base di nan contract anterior.

33 alumno di EPB: E mandatario a sigui splica un otro problematica cu a wordo resolvi ta e 33 alumnonan cu no por a cuminsa scol na EPB. Nos a scucha tur conseho y a tuma e decisionan necesario y desde 11 di october a habri dos extra klas; un na EPB Oranjestad y e otro na EPB San Nicolas pa e asina e 33 alumnonan por a cuminsa scol bek.

Emma School: Minister Croes a indica cu un otro inkietud cu a encontra ta e WIFI di Emma School. Nos a atende cu esaki y cana e proceso corecto y e WIFI tambe a keda regla. Minister Croes a sigui bisa cu e la reuni cu cabesante di Emma School sra. Joselyne Oduber-Jacobs kende tin 41 aña eherciendo trabou na Emma School, a scuche cu hopi atencion e diferente otro dolornan chikito cu ta biba serca nan. Nos a pone nan riba

nos lista di inmediatamente y a cuminsa traha riba nan. Pa menciona algun; tin mester un revision di e sistema di coriente pa despues por bin na aircu, otro punto cu mester di atencion ta e cura pa sera esaki pa seguridad. Un punto hopi importante cu a wordo resolvi desde 21 di october recientemente a pone un instructor bek hiba bus, pues un persona adecua pa tur mainta cinc'or y mey riba e bus pa busca e muchanan den diferente districto y hibanan scol.

Comision Werksters di SKOA: Minister Croes a indica cu siman pasa na Bestuurskantoor e prome reunion a tuma luga cu comision. E comision a wordo forma door di un Ministerraad besluit (MB) y a haya e tarea pa alrededor di 30 dia presenta conseho y solucion concreto.

E comision ta consisti di diferente departamento entre otro; representante di Departamento di Finanzas, Departamento di Recurso Humano (DRH), director di Directie Wetgeving en Juridische Zaken (DWJZ), director di Centrale Accountantsdienst Aruba (CAD), Stichting Katholiek Onderwijs Aruba (SKOA) a manda tres representante entre nan un abogado y di Ministerio di Enseñansa y Deporte a apunta dos persona: un hurista di ministerio, y externo un register accountant. Como Minister encarga mi a pidi tur esnan cu ta forma parti di e comision pa ta "oplossingsgericht" ban busca solucion, ban debati na un manera sano pa structural na un manera sostenibel soluciona e problematica aki di e werksters di SKOA. E Minister a sigui bisa cu e comision lo mester trese conseho riba e 3 problemanan cu tin riba mesa di SKOA – Gobierno y Gobierno SKOA pa wordo resolvi na un manera structural, duradero y sostenibel cu nos por carga bayendo pa dilanti

OAA, Openbaare Avondleergang Aruba: E mandatario di enseñansa a indica cu e problema di OAA tin su atencion. Tin un ekipo ta trahando riba esaki y nan a reuni cu tur departamentonan manera entre otro Directie Onderwijs, Inspectie Onderwijs y diferente "stakeholders" involvi. Minister a indica cu prome cu fin di e siman aki e lo ricibi e rapport y conseho final con ta e miho manera pa continua na un manera duradero. 'Nos ta bay continua', e mandatario a enfatisa, lo resolve e inkietudnan interno y dune un direccion pa e por ta regla y cu sostenibel pa futuro.


"Obhetivo y vision di Gabinete Wever - Croes 2 ta pa soluciona problema. Kisas no ta tur por soluciona mes rapido, pero sigur mi deseo y empeño ta pa soluciona mas tanto posibel y di a manera ey ta crea e espacio pa e tranquilidad y paz cu ta buscando pa por Goberna miho pa henter comunidad.





# Medidanan na Vigor

**Ora di cera pa HORECA 1:00 AM y pa sector CASINO 2:00 AM**



## HORECA

- Maximo 8 persona na mesa den restaurant, paden y pafo.
- Bars y Rumshops maximo 4 persona na mesa, paden y pafo.
- Ora di cera ta 1:00 a.m. y Casino 2:00 a.m.



## TAPABOCA

Uzo di tapaboca ta keda obligatorio, den tur establecimiento, incluyendo gym y school.



## COMERCIO

Comercio ta bek na 100% capacidad (cinema, tienda, supermercado, misa). Entiero ta permiti un maximo di 150 persona (si espacio ta permiti).



## ENTRETENIMIENTO MUSICAL

Ta permiti musica di background solamente y maximo 5 musico.



## BEBIDANAN ALCOHOLICO

Uzo di alcohol riba propiedad publico ta keda prohibi henter dia.



## DEPORTE

- Publico; Un maximo di 150 persona paden y 250 persona pafo.




## GEBIEDSVERBOD

Riba area publico: Parking lot, beach entre 7:00 p.m. - 5:00 a.m.



## BISHITA, FIESTA Y ENCUENTRO SOCIAL

Bishita na cas, fiesta y encuentro social na cas of otro caminda ta permiti, cu un maximo di 150 persona paden y 250 persona pafo.



## ESTABLECIMIENTO NOCTURNO

- Ta permiti un maximo di 150 persona (si espacio ta permiti).
- Den tur establecimiento nocturno por tin solamente hende sinta.
- Ta permiti musica di background solamente y maximo 5 musico.
- NO ta permiti pista di baile. Solamente Satellite Dancing (canto di mesa),



## SAMENSCHOLINGS-VERBOD / AGLOMERACION

Un maximo di 8 persona.



## VACUNA WALK-IN 12+

Na DVG: Dialuna pa Diabierna • 8:00 te cu 11:30 a.m. (y 1:00 - 6:30 p.m. diaranson so)



# Departamento di Salud Publico: UPDATE 27 DI OCTOBER 2021

Segun resumen di awe 7 persona a recupera y un total di 17 caso nobo di COVID-19 a keda registra di cual 2 ta no-residente. E cifranan aki ta representa un 'Positivity rate' bou di nos residentenan di 8%.

E cantidad di casonan activo di COVID-19 pa awe ta 171 y cantidad di fayecidonan relaciona cu COVID-19 ta 171. Datos

ta ilustra casonan nobo di COVID cu un average semanal di 14 caso pa dia y un averahe di 'positivity rate' semanal di 10% pa dia.

Actualmente na Aruba tin 13 persona interna debi na COVID di cual den ICU tin 4 persona, riba piso general tin 9 persona y na Colombia tin actualmente 16 persona den Cuido Intensivo.

27/10/2021	TOTAL	RESIDENTE	NO-RESIDENTE
<b>Casonan Nobo</b>	17	15	2
Activo	174	161	13
<b>Recupera</b>	15520	14073	1447
Positivo	15865	14402	1463
<b>Morto</b>	171	168	3
Vacuna	82482	-	-
<b>Hospitalisa</b>	13	-	-
AUA			
ICU	20	-	-
AUA COL	4 16		

**HABITONAN PA KEDA**  
*Saludabel*  
DEN TEMPO DI COVID-19 Y VACUNACION



**VACUNA**  
PA NOS POR  
progresar

## Limita uzo di aparatonan electronico!

E uzo di celularnan y otro aparatonan electronico ta afecta momentonan, por ehempel, familiar manera come hunto na mesa; esaki por crea un "individualizacion" of "aislamiento" hopi peligroso. E dependencia na e artefactonan aki por bira un adiccion mesun fuerte cu esun na alcohol of droga. E adiccion aki por crea un desequilibrio kimico den e cerebro cu por genera trastornonan manera depresion, ansiedad, insomnio severo y impulsividad. Si e dependencia aki ta dañino pa adulto, corda con perhudicial e por ta pa mucha. Limita y controla uzo di aparatonan electronico. Pa combati COVID-19 bo mester mantene bo salud y vacuna, ya cu ta comproba cu e vacuna tin un efectividad halto pa proteha bo y evita transmision. Ban uza tur e hermentnan cu nos tin pa caba cu e virus aki na nos isla!

**Ami SI**  
ta vacuna!



Mantene 1.5M  
minimo di distancia



Laba man  
frecuentemente



Uza tapa boca  
paden di tur luga

**VACUNA!**





*Un Feliz Dia*

**ISLA ONLINE**

NOTICIA DI GOBIERNO